

# FIF - EaP SMEC - საქართველოს ბანკი

მდებარეობა:  
საქართველო

პროექტის ნომერი:  
51739

ბიზნესის სექტორი:  
საფინანსო ინსტიტუტები

შეტყობინების ტიპი:  
კერძო

გარემოს დაცვის კატეგორია:  
FI

დამტკიცების თარიღი:  
13 ივლისი 2021

სტატუსი:  
გაცემული

პროექტის მოკლე ანოტაციის  
**ინგლისურად** გამოქვეყნების თარიღი:  
21 დეკემბერი, 2021

*ინფორმაციაზე წვდომის შესახებ დირექტივის 1.4.2 (iii) მიხედვით: „ბანკის მენეჯმენტის მიერ დამტკიცებული პროექტებისთვის, სადაც დირექტორთა საბჭომ მოახდინა დამტკიცების უფლებამოსილების დელეგირება, PSD უნდა გამჟღავნდეს ბანკის წევრი ქვეყნისათვის შესაბამისი გაუპროტესტებლობის შეტყობინების პერიოდის დაწყებისას, EBRD-ის დამფუძნებელი შეთანხმების მე-13 (iii) მუხლის შესაბამისად.“*

## პროექტის აღწერა

25 მლნ ევროს ოდენობის, 5 წლიანი, ლარში დენომინირებული სესხი გამოიყოფა საქართველოში მოქმედი, ერთ-ერთი უმსხვილესი სისტემური ბანკის - საქართველოს ბანკისათვის (BOG). პროექტი ხელს შეუწყობს აღმოსავლეთ პარტნიორობის მცირე და საშუალო ბიზნესის კონკურენტუნარიანობის განვითარების (EaP SMEC) პროგრამას, DCFTA პროგრამის მემკვიდრეს, რომელშიც საქართველოს ბანკი აქტიურად მონაწილეობს 2016 წლიდან.

## პროექტის მიზნები

EBRD-ის მიერ გამოყოფილი სესხით საქართველოს ბანკი დააფინანსებს კერძო სექტორის წარმომადგენელ მცირე და საშუალო მეწარმეებს. დაკრედიტება მოხდება EaP SMEC პროგრამით განსაზღვრული პირობებისა და მოთხოვნების მიხედვით, რომელიც ასევე მოიცავს ისეთ ტექნოლოგიებს და აღჭურვილობას, რომელიც შეესაბამება ევროკავშირის სტანდარტებს. პროგრამა ასევე მიმართულია ხელი შეუწყოს და დაეხმაროს მცირე და საშუალო მეწარმეებს დანერგონ მდგრადი და მწვანე ტექნოლოგიები და ამით გაიუმჯობესონ კონკურენტუნარიანობა. EBRD-ის მიერ გამოყოფილი სესხის 70%-ით სასურველია დაფინანსებულ იქნას მწვანე ეკონომიკის შესაბამისი ტექნოლოგიები, EaP SMEC-ის თანახმად.

## შუალედური შედეგი

ETI ქულა: 75

**კონკურენტუნარიანი:** საქართველოს ბანკი გაზრდის მცირე და საშუალო ბიზნესისათვის გამოყოფილ საკრედიტო დაბანდებებს, კერძოდ დააფინანსებს ისეთ პრიორიტეტულ პროექტებს, რომლებიც შეესაბამება ევროკავშირის დირექტივებს. ეს თავისთავად ხელს შეუწყობს საქართველოში მცირე და საშუალო ბიზნესის კონკურენტუნარიანობის გაზრდას;

**გამძლეობა:** კომპანია შეინარჩუნებს მცირე და საშუალო ბიზნესისათვის გამოყოფილ საკრედიტო პორტფელის ხარისხს.

## ინფორმაცია კლიენტის შესახებ

სს საქართველოს ბანკი

სს საქართველოს ბანკი (Moody-ის Ba2 და Fitch BB - სტაბილური პროგნოზი) არის სისტემური ფინანსური ინსტიტუტი, მისი აქტივები და ვალდებულებები შეადგენს საბანკო სექტორის ერთ-მესამედზე მეტს.

## EBRD-ის დაფინანსების ჯამი

29,451,250.00 დოლარი.

## პროექტის მთლიანი ღირებულება

29,451,250.00 დოლარი.

## დამატებითი ფაქტორები

პროექტის ფარგლებში დამატებითობის ძირითადი წყაროა (i) ინოვაციური მწვანე დაფინანსების სტრუქტურა (ადგილობრივ ვალუტაში დენომინირებული

გრძელვადიანი სესხი), რომელიც მოიცავს ისეთ ასპექტებს, როგორიცაა კლიმატისა და გარემოს, სოციალური და მმართველობის (ESG) სტანდარტები და/ან კლიმატის და ESG რისკის გათვალისწინება დაფინანსებისას და (ii) ცოდნა, ინოვაცია და შესაძლებლობების განვითარება (პროგრამის ფარგლებში ტექნიკური დახმარება ხელს შეუწყობს საქართველოში ევროკავშირის მოთხოვნების შესაბამისი ინვესტიციების დროულად განხორციელებას).

## გარემოს დაცვისა და სოციალური საკითხები

მინიჭებული აქვს FI (ESP 2019). საქართველოს ბანკი EBRD-სთვის კარგად ნაცნობი პარტნიორი ორგანიზაციაა და წლების მანძილზე განხორციელებულია არაერთი ერთობლივი პროექტი. საქართველოს ბანკის გარემოს დაცვის და სოციალური საკითხების შიდა პოლიტიკა და პროცედურები თანმიმდევრულია EBRD-ის ძირითად მოთხოვნებთან.

## ტექნიკური თანამშრომლობა და საგრანტო დაფინანსება

EaP SME კონკურენტუნარიანობის საკრედიტო ხაზის ფარგლებში განსაზღვრულია საგრანტო დაფინანსება (ტექნიკური და არა ტექნიკური), რომელიც გამოიყო ევროკავშირის მიერ: პროგრამის ფარგლებში, მცირე და საშუალო მეწარმეები ისარგებლებენ ფინანსური წახალისებით (საინვესტიციო პროექტის ღირებულების 10%-დან 15%-მდე). საქართველოს ბანკი მიიღებს ტექნიკურ დახმარებას შერჩეული კონსულტანტების მხრიდან საინვესტიციო პროექტების მომზადებასა და განხორციელებაში.

## კომპანიის საკონტაქტო ინფორმაცია

ნათია კალანდარიშვილი

ir@bog.ge

+995322444444

<https://bankofgeorgiagroup.com/>

გაგარინის 29ა, თბილისი, საქართველო

## პროექტის მოკლე ანოტაციის განახლების თარიღი

21 ივლისი 2021

## შუალედური შედეგი

დეტალური ინფორმაციის გაცნობა EBRD-ის შუალედური შედეგების გაზომვასთან დაკავშირებულ მიდგომაზე შესაძლებელია [აქ](#).

## ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: [projectenquiries@ebrd.com](mailto:projectenquiries@ebrd.com)

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#).

ტელ.: +44 20 7338 6794

ელ. ფოსტა: [procurement@ebrd.com](mailto:procurement@ebrd.com)

## ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის საშუალებით](#).

## გარემოს დაცვისა და სოციალური საკითხების პოლიტიკა (ESP)

[ESP](#)-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან, განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

## ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩნდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე [compliance@ebrd.com](mailto:compliance@ebrd.com). [თითოეულ ასეთ შემთხვევაში](#), OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

## ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#). კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

## პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებლად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს ან შესაძლოა გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში გარემოს დაცვით და სოციალური პოლიტიკისა და ინფორმაციის ხელმისაწვდომობის პოლიტიკის კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

IPAM-ისა და მის მანდატის შესახებ მეტი ინფორმაციის მისაღებად გთხოვთ, ეწვიოთ პროექტის ანგარიშვალდებულების დამოუკიდებელი მექანიზმის ვებგვერდს, ასევე, იმის დასადგენად, თუ როგორ უნდა წარადგინოთ მოთხოვნა განსახილველად; ან დაუკავშირდით IPAM-ს ელ.ფოსტით [ipam@ebrd.com](mailto:ipam@ebrd.com), რომ მიიღოთ ინსტრუქცია და ინფორმაცია IPAM-ისა და მოთხოვნის გაგზავნის შესახებ.